

Le plus ieune de ces deux [71] prifonniers eftant lié trop eftroittement s'en plaignit; vn Algonquin luy refpondit, Camarade, il femble que tu ignore les loix de la guerre, il les fçait bien, repart fon Compagnon, il a veu pleurer plusieurs de vos gens, pris & bruslez dans noftre pays, il ne craint point ny vos menaces ny vòs tourmens. L'Algonquin croyant qu'il parloit infolemment pour vn prifonnier, luy defchargea deux ou trois coups: mais le prifonnier ne rabaiffant rien de fon courage fe mit à chanter, difant: que fes parens trouueroient bien le moyen de vanger fa mort. Il y a peut-efre cinquante ans qu'aucun prifonnier Sauuage n'a efté fi doucement traité, on ne les battit point dauantage, on ne leur arracha point les ongles, on ne leur couppa aucun doigt, qui font les premieres careffes que les Sauuages font à leurs prifonniers. Vn iour deuant que d'arriuer à faint Iofeph où ils furent amenez, Dieskaret enuoya vn ieune homme donner aduis au Pere qui a foin des Sauuages de ce lieu, qu'il arriueroit bien-toft, & qu'il ameneroit des prifonniers à Monsieur le Gouverneur, & aux Chreftiens Sauuages fes amis; on les entendit [72] plutoft qu'on ne les vit; car ils s'en venoient chantans dans leurs canots, chacun accourt fur le bord du grand fleue, les prifonniers eftoient debout dançans à leur mode au bruit des auirons & au fon de la voix des vainqueurs. Les cheuelures de ceux qui auoient efté tuez au combat, attachez au bout de certains baftons, voltigeoient en l'air au gré du vent comme des flouettes, approchant de nos riuies il fe fit vne falue d'arquebufades de part & d'autre avec affez d'adrefse. Iean Baptifte Etinechkaouat les voyât tous prefts de mettre pied à terre, fit faire halte, &